



關書南立產志
上



文 研
292.2
Kalln
1



292.2
Kall n
1



海内久安。民庶豊富。玉帛言不
興矣。文人之擅藻繪。士人之馳
干戈。固不待言焉。若夫惊池寻壑。
伎巧歌舞。亦各以涂造為期。
嗚呼。亦并備哉。五十年前。都
下有稱若水先生者出。專以子




木鳥獸之學。尔來相繼而起者。不乏其人。不徒醫人不能不辨物。入用。必仿其業。乃至閑人浪士。貴介。執矜之子弟。絜皆愛花弄葉。教多馴出。強相競逐。履之。始終成一種清玩之遊具。採山

採溪。源流竭。叢。日以割甚。吾人不以物產。是故自諸家本草。以及通志之物產。有志縣志之所著。搜索不遺。懈力。此南唐志之所以刊也。門人都賀庭鑑。蓋是刻。乃一觀而歎。

為教旨如斯。亦其所以從史也耳

寬延辛未之夏平安一本

入香川修德序



南產志目錄

稻	黍	稷	麥	菽
麻	芋	蕃薯	以上穀食之屬	
薑黃	菘菜	芥菜	芥藍菜	菠薐菜
薤菜	油菜	焯菜	浮藤菜	苦益
蕨	紫菜	赤菜	苔垢菜	藍菜
石花菜	鷓鴣菜	蠶菜	虎栖菜	羊栖菜
驚腸菜	線菜	神黛	海苔	燕窩
以上蔬屬				
甜瓜	土瓜	以上瓜屬		

荔枝 龍眼 李 柑 酸棗

香椽 橄欖 金斗 椎 羊桃

餘甘 黃彈子 菩提果 倒黏子 以上果屬

吉貝 茶 杉 櫨 擺

檫 水綿 檉杉 刺桐 桐

楮 榕 櫟 菩提樹 相思

檀 檉 棠梨 棟

栳 木槵 水楊 金荆 黃連茶

加條 樸 白牙 石楠 檉

羅漢松 鐵樹 以上木屬

竹 甘蕨 以上苞屬

人參 土檳榔 枸杞 牛膝 藍實

石菖蒲 使君子 藿香 越王餘筭

土紅山 石韋 前刀草 香麻 鷄頂草

紫金牛 石垂 瓊田草 建水草 龍牙草

小青 獨脚仙 紫金藤 南藤 赤孫施

芙蓉 石帆 以上藥屬

天竺桂 紅花 山茶 餘蘗 玫瑰

密樞 金沙 佛朶 俱那衛 長春

勝春 水簾春 杜鵑 山丹 茉莉

閣提 素馨 瑞香 山樊 滿堂紅

半羊紅 度年紅 越橘 真珠 鳳尾

御帶 半丈紅 鷹爪 蘭 紫羅傘

滴滴金 金錢 剪金紅 罌粟 御仙

聚八仙 寶相 玉屑 玉籠鬆 袞繡毬

錦竹 剪金羅 黃雀兒 金燈 指甲

以上花屬 芴 紫草 蛇麻 鼠麴 蕒

燈心 獨掃 芒 石龍芻 鷄腸

仙人掌 虎杖 吉祥 紫背 長生草

半邊蓮草 候潮草 仙草 以上草屬

下之卷

五色雀 錦雞 白鷓 山鵲 鷓鴣

鸚鵡 信鳥 吉吊 採囊 山胡

畫眉 雪舞 蠟嘴 紅裙 黃匡

雪姑兒 海鷗 鷓鴣 釣魚翁 呼潮

鬼鳥 以上羽屬 麂 狸 山犬

黑羊 麋 野豬 鼠狼 竹鼯 鼯

土崙 鼯鼠 以上毛屬

蚺蛇	海鱸	魴魚	鱗	金鱗魚
鯿	鯽魚	棘鬣魚	方頭魚	烏頰魚
黃稽魚	鯪魚	鱧魚	鱗魚	鯪魚
烏魚	鯽魚	鯢魚	青魚	鱗魚
鱗魚	鯽魚	鯢魚	鯢魚	江鱗魚
黃炙魚	黃魚	鯢魚	比目魚	馬鮫魚
鯧魚	毒魚	鮐魚	牛魚	鱗魚
水蓋魚	班車魚	躄魚	黃貂魚	彈塗魚
白頰魚	飛魚	海燕魚	鱗魚	白鰓魚
訓鮑魚	黃雀魚	白爵魚	青鮫魚	帶魚

銀魚	鱖魚	鯢魚	琵琶魚	鬪潮魚
丁香魚	江魚	鰻鱺魚	油筋魚	塗龍魚
沙筋魚	散魚	鹿角魚	要魚	楓葉魚
鸚鵡魚	嘉酥魚	蠔魚	梭魚	鏡魚
火魚	蠔魚	沫魚	鯽魚	鯢魚
金魚	石斑魚	抱石魚	石伏魚	重唇
以上鱗魚				
蟹	蟬	蠟	蟹	牡蠣
車螯	蚶	蛤	蛤蜊	沙蛤
蚶蜊	沙虱	土坯	紅粟	海蛤

南慶志

卷之十一

目錄

卷之十一

江珧柱	海月	蛭	空豸	石蛙
石决明	鰕魚	蟻	老蜂牙	蛉
石磷	淡菜	蛤青	翠翠	蝦
螺	海膽	水龜	以上介屬	
烏鰂	柔魚	瑣管	鱗魚	鮫
海粉	沙蠶	以上鹹水之蟲		
石鱗魚	以上淡水之蟲	目錄終		

何公閩書凡一百五十四卷為志二十二南產志其一也鳥獸草木海物維錯閩中之產悉盡于此

矣我邦格物之士好採摘群書已有謄寫行于世者就觀其本謬誤不鮮華刻亦屢翻刻衍脫頗多今所刻者就諸家考之校訛補脫若其說相混別引他書上層舉之若所引詩及頌此憶出公暗記未免與各家集有異若其可考者就本集而正之諸物和各畧訓一二以便章蒙唯恐余寡聞誤後進也顧何公非神農者流亦惟閩中產物繫類以具一端已此書之於名物有精有簡令人擇焉而取也豈盡窮其雄劣哉若夫魚形出而吳石鳴千古奇事苟有仍此書以發之可謂已登茂先氏之

天降來曰薰提與早稻同熟者曰黃芒與晚稻同熟者曰占城曰稊又曰土稊歲再熟者又曰金洲曰白香秣又曰糯與早稻同熟者曰早秣與晚稻同熟者曰晚秣與大冬同熟者曰大冬秣湘山野錄云宋真宗以福建田多高仰聞占城稻耐旱遣使求其種得一十石以遺其民使蒔之此占城所繇名也今八郡皆有占城稻 泉州曰早稻曰早仔曰師姑早曰晚稻曰大冬曰寄種曰青魁曰占城稻曰番稻曰白香曰過山香曰降來曰大尖曰小尖曰中灌曰新留曰河南早曰河南秋種曰白柳曰烏芒曰林鳳曰藿香

曰一秋紅曰紅芒曰天上落曰八月白曰蘇州紅曰烏稻曰金城早曰栗殼曰尤溪早曰早秣曰晚秣曰大冬秣曰赤夢秣曰牛頭秣曰好殼曰白秋秣曰白占秣曰花眉秣曰虎皮秣曰近山香秣曰龍牙曰班占 建寧曰六十一日早曰大糯曰小糯曰龍鳳早曰半冬白曰師姑早曰九里香曰大早曰小早曰天降早曰爛泥早曰七娘禾曰小白禾曰大白禾曰小烏禾曰大烏禾曰野豬愁曰無芒禾曰真珠累曰麻子禾曰公婆禾曰銀珠秣曰早禾曰白禾子曰烏禾子曰厚芒禾曰下馬看曰白芒曰黃穀曰粳穀曰白秣

早曰烏龍牙曰紅糟秫曰鋪城錦曰温州早曰吳家
 傳曰大師姑曰小師姑曰青絲禾曰荔枝禾曰猴尾
 秫曰烏節秫曰重陽秫曰白芒秫曰烏牙秫 延平
 曰秧歸曰早子曰金城早曰江西早曰天降曰赤芒
 曰白芒曰赤殼曰半溪曰廖元山曰早秫曰晚秫曰
 八月白曰長芒曰粟山中野人間種之 汀州曰稻
 興化曰早穀曰穄曰占穀曰粟曰青梁曰黃梁白
 梁皆粟類 漳州曰早稻曰晚稻曰大冬稻曰寄種
 曰占稻曰香稻曰白柳曰番稻曰糯稻以上稻種不
 一又八郡方言不同有一種而異名者具依本志列

西... 卷... 溫州...

之如右

說文黍禾屬而黏者也
 尔雅疏秫謂粘粟也
 字彙曰粘粟以蜜和米麴煎作之
 梁若黍稷之總名
 時珍曰不粘者為稷

黍 黍暑也詩名物云丹穀也其類有黏不黏如稻
 之粳糯不黏為飯黏者亦名秫以為酒古今註禾之
 黏者為黍以為餼謂之餼餼楚辭曰秬秠密餌有餼
 餼按黍北人曰梁浙人曰粟泉中有一種名秠粒
 似黍而小

稷 說文曰五穀之長也月令曰中央土食稷與牛
 五行土為尊故五穀稷為長閩中種稷殊少惟明祀
 用之禮稷為明粢左傳粢食不鑿粢者稷也鑿精細
 米也爾雅亦謂粢稷本艸曰稌穆天子傳赤鳥之人

西... 卷... 溫州...

獻糶百載歐治遺事糶米與黍相似而粒大按此說是蜀黍也北人曰高粱泉曰蕃黍浙人曰蘆糶閩中山畬磽地尚有一種穗如鴨脚粒與黍相類磨之可以麪其字可以酒

粳 廣雅曰大粳也小稜也本艸云北方之麥秋種冬長春秀夏實全備四時之氣故無毒南方之麥冬種夏實四時之氣不備故有毒有大麥有小麥有蕎麥稗紅花白實三稜而黑秋花冬實有穰麥類麥而穀稍異福州曰米麥泉州曰蔚麥興化曰穰麥福寧州曰玉麥惟穰為古名

豆類名目方言不可考

天工開物云古者以麻為五穀之一若專以火麻當之豈有當哉此意詩書五穀之麻或其種已滅或即菽粟之中別種而漸訛其名號皆未可知也 廣通作黃

菽 物理論曰菽豆之總名也有黃豆白豆可齋有綠豆可粉有黑豆可豉有赤豆有褐豆有藿香有紅光豆有九月豆畚豆此外又有豌豆江豆水豆菜豆樹豆葛豆菹豆刀豆皂莢豆虎爪豆蛾眉豆蟹眼豆蠶豆可入蔬品均豆也 麻 八穀之良其實為苴詩曰九月叔苴註麻實也 有黑麻白麻有胡麻作角八稜種出太宛漢張騫得之凡物自胡來者皆曰胡如胡荽胡桃之類一曰巨勝兩頭尖銳作角七稜色純赤二麻可為飯可為油俗云必夫婦同種乃茂有大麻可績布爾雅所謂廣

也閩中名芋麻續之曰縹以成夏布其用行天下

芋 蹲鴟也一名土芝陶隱居曰錢塘最多閩蜀淮

甸尤殖此種本艸圖經云蜀川生形團而大狀如蹲

鴟謂之芋魁閩中出者形長而大小者如卵生於芋

魁之傍食之尤美有六種有青芋有紫芋有真芋有

白芋有連禪芋有野芋

蕃薯 萬曆中閩人得之外國瘠土砂磧之地皆可

以種用以支歲有益貪下予嘗作蕃薯頌可以知其

概也頌曰度閩海而南有呂宋國國度海而西為西

洋多產金銀行銀如中國行錢西洋諸國拿銀皆轉

載於此以通商故閩人多賈呂宋為其國有朱薯被

野連山而是不待種植夷人率取食之其莖葉蔓生

如瓜蔓黃精山藥山藟之屬而潤澤可食或煮或磨

為粉其根如山藥山藟如蹲鴟者其皮薄而朱可去

皮食亦可屬食之可熟食者亦可生食亦可釀為酒

生食如食葛熟食色如蜜其味如熟荸薺生貯之有

蜜氣香聞室中夷人雖蔓生不嘗省然愜而不與中

國人中國人截取其蔓咫尺許挾小蓋中以來於是入

吾閩十餘年矣其蔓雖萎前掬種之下地數日即榮

故可挾而來其初入吾閩時值吾閩饑得是而人足

一歲其種也不與五穀爭地凡瘠鹵沙崗皆可以長
糞治之則加大天兩根益奮滿即大旱不糞治亦不
失徑寸圍泉人鬻之介不直一錢二斤而可飽矣於
是老者童孺行道鬻乞之人皆可以食饑焉得充多
焉而不傷下至鷄犬皆食之於是何子開鏡石山房
樹陰之隙地而種焉而為之頌曰不需天澤不糞人
工能守困者也不爭肥壤能守讓者也無根而生久
不枯萎能守氣者也予向行江北天大旱五穀不登
民食草木之實亡厭今乃佐五穀能助仁者也可以
粉可以為酒可祭可賓能助禮者也莖葉皆無可棄

其直甚輕其飽易充能助儉者也老者食之而不患
哽噎能養老者也童孺食之止其啼能慈幼者也行
道鬻乞之人食之能平等者也下至鷄犬能及物者
也其於士君子也以代匱焉所以固其廉以廣施焉
所以助其惠而諸德備矣而吾邑梁肉之家猶駭焉
而不敢食食之則謂同於窶與賤於是何子掘而出
之浴之清泉薦之潔鼎乘之陶匏沃以濁酒而為之
歌曰令珠而如沙人以之彈鵲令金而如泥人以之
塗艘令朱薯而如玉山之禾瑤池之桃人以之為不
死之大藥雖不死藥不足佐五穀吾亦不忍其禾玉

山挑瑤池獨從羽人於丹丘坐視下界之人瘁饑啾啾而不得一嚼

右穀食之屬

薑黃 葉青綠而作有斜文花白紅色根盤屈而黃

類薑圓而有節出邵武仙亭山

菘菜 與蕪菁相類梗長而葉不光者為蕪菁梗短

葉潤厚而肥者為菘周顥所謂秋末晚菘是也張九

齡自函京携種歸曲江種之閩中呼為張相菘曾師

建記謂北地無菘南地無蕪菁體性相似而形狀不

同地土然也

宛委餘編云
薑金香草也
於後世為薑
黃
通雅曰菘亦
菜之總名

芥菜 本草曰芥似菘而有毛有青芥紫芥白芥南

芥花芥石芥白者舊云自西戎來名白胡芥大抵南

土多芥取其子搗為末和醋食之能使氣上鼻過後

便自條暢埤雅曰望梅生津食芥墜淚

芥藍菜 通志曰葉如藍而厚青碧色菜之美者興

化志謂蜀中萬年青極相類但此一年一種萬年青

累歲不易味稍苦耳

菠薐菜 又作波稜劉禹錫嘉話錄本出西域頗稜

國訛頗為波閩中記以葉如波紋有稜以義求之歟

按波稜生北方者為竹菠薐莖長而爽閩中者為石

菠菱莖短而甘

薤菜 蔓生花白莖中虛摘其苗土壓之輒活一名

薤菜遼齋間覽本生東夷古倫國蕃舶以薤盛之故

名薤菜漳人編葦為筏作小孔泛水上如萍根浮水

面莖葉皆出於葦筏孔南方奇蔬也

油菜 通志曰葉如白菜青色根微紫子可壓油漳

人呼為油芥

焯菜 齊民要術曰焯音卑味辛李時珍本草綱目

云焯菜冬月生田園間柔梗細葉三月開細花黃色

結細角內有細子連根葉拔食之味極辛辣洪寧命

即雲薑

正字通云焯菜好生高山泉源石上與石菖蒲一類李時珍謂為田園小州非也

劉子翬

老圃賦焯有拂士之風朱文公飲後輒以焯菜供蔬

浮藤菜 興化志曰葉圓而厚藤相糾纏子紫黑色

俗呼蟬菜取其和蟬作羹為佳

苦益 宋劉翬詩雖無苦口味暖益功稀比菜苦不

登盤言中多逆耳

蕨 爾雅蕨翹詩言採其蕨爾雅翼曰野人今歲林

山則來歲蕨菜繁生負荷者皆不肯食云令人脚弱

名之以蕨蓋謂斃矣其葉未抽時搗其根可粉

皇朝政和令黃裳採蕨詩皇天養民山有蕨根有

粉民爭掘朝掘暮掘山欲崩救死豈知筋力竭明朝

南臺志 卷之十一 詳長官成

重擔向溪澗，濯彼清冷去泥土。夫春婦漚呼，見炊饑
腹雖充，不勝苦棠陰。諸公知不知，朝夕思餐醲與肥。
賑饑无策，未足怪胡。忍剝我民膏脂，嗟予忝為斯邑。
宰致民多饑，類生此。但願皇天憐雨，苦五日一風十
日，雨雨順風調，五穀登。蔽根滿山長，不取清流人羅
永恭搗蕨歌，南村北村日卓午。萬戶喧囂不停杵，初
疑五十驅金牛，又似催花搗羯鼓。原來村人搗蕨箕
頃刻化，作黃塵飛。一聲或高一聲急，聲透天徹地。
脉婦男子姪爭獻力，頃筐漕流玉液。流玉液還嘆
息，今晨猶一炊。明朝無顆粒，山妻空倚門。癡兒號面

壁動劬頻搗，豈辭疲。全家擬療三時饑，堆盤炊熟紫
瑪瑙，入口嚼碎明琉璃。溶漾甘如飴，但覺餒腹
回春熱。息肩弛擔，氣尚喘。荷鋤又入南山，陞君不見
晉安司馬食肉糜，艱難稼穡全未知。又不見嵩山老
人只茹芝，豈識有此風味。奇賢愚千載，誰是非我歌
躑躅聊解頤，方今太倉徒爾為。賑恤詔令聞，見稀蒼
生如此困，貪餒安得斗米三四文錢時。

紫菜 一名索菜，吳都賦綸組紫菜。舊志曰：其生黏
帶石上，潮浸其散擊之，然潮落復黏于石。嫩者撻取
之，而成索。長者摘取之，則皆解散。生時正青，乾則色

類語紫菜アノリ
紅菜トサカ赤菜同上

紫近海諸邑皆有之出福清尤佳成葉如韭

赤菜 海物異名記曰海生而紫蔓其大者為廉角

菜一名猴葵南越志曰猴葵色赤生石上謂之鹿角

以其莖有岐也

苔垢菜 紫菜取盡就上復生苔衣狀類浮垢

藍菜 生海巖上味甜

石花菜 生海礁上性寒夏月煮之成凍

鷓鴣菜 生海石上散碎色微黑小兒腹中有蟲病

炒食能愈

蠅菜 生海中邊沙地上長半寸許成簇而綠

虎栖菜 生海石上穗長二三尺許葉如蘭莖微黑

色出漳浦

羊栖菜 生海石上長四五寸微黑色出漳浦

鶯腸菜 生海石上長四五寸其薄如帶色黃漳浦

多

線菜 生海中沙地上其長如線色微紅出漳浦

神黛 生海邊泥泊上葉蒼蒼如黛歲饑和米作粥

食之出漳浦

海苔 綠色如亂絲生海泥中其細嫩者名濕苔

燕窩 皇朝王世懋閩部疏鷺窩菜竟不辨是何

類語海苔アラリ

南遊志 卷之十一 薛夷館感

物漳海邊已有之燕飛渡海中翮力倦則擲置海面
浮之若坏身坐其中久之復啣以飛陳懋仁泉南雜
記閩之遠海近番處有燕名金絲者首尾似燕而甚
小毛如金絲臨卵育子時群飛近沙泥有石處啄
蠶螺食有詢海高聞之士番云蠶螺背上肉有兩肋
如楓蠶絲堅潔而白食之可補虛損已勞瘵故此燕
食之肉化而助不化并津液嘔出結為小窩附石上
久之與小雛鼓翼而飛海人依時拾之故曰燕窩而
予近聞之漳人殊為不然燕窩國大海中有高山冬
月群燕來巢其上燕矢之厚没人而膝春時生雛累

之窩中燕窩貧夷領我中國貧人取之林中捏搗窩
敗子墜顛覆闌干燕之雌雄群然悲鳴傷物特甚嗚
呼誰謂燕窩蔬房哉生命之苦過火燔刀割矣蘇長
公謂雖八珍之美投筋而不忍食此物此志耶

右蔬屬

甜瓜 質長文微有瓣瓢黃色俗呼黃瓢瓜曹氏浮
甘瓜於清泉想即此也

土瓜 一名葛食之醒酒兩雅翼曰雞齊一名鹿藿
一名黃介今之食葛非為締給者也吳都賦食葛香
茅注曰食葛蔓生與山葛同根特大美於芋也

正音鄉談云
葛正土瓜

右瓜屬

荔枝 本州圖經曰荔枝子生嶺南及巴中今泉福
漳嘉蜀渝涪州興化軍及二廣州郡皆有之其品閩
中第一蜀川次之嶺南為下扶南記荔枝始傳於漢
世初惟出嶺南後出蜀中蜀都賦所云旁挺龍目側
生荔枝是也蜀中之品在唐為盛白居易圖序論之
詳矣今閩中四郡所出特奇而種類僅至三十餘品
肌肉甚厚甘香瑩白非廣蜀比也宋蔡襄著荔枝譜
七篇雖於今不備蔡公閩人不可不著之閩產矣第
一篇荔枝之於天下唯閩粵南粵巴蜀有之漢初南

旧脫蜀中二
字今仍本州
填之

粵王尉佗以之備方物於是始通中國司馬相如賦
上林云荅選離支蓋夸言之無有是也東京交趾七
郡貢生荔枝十里一置五里一候晝夜奔騰有毒虫
猛獸之害臨武長唐羌上書言狀和帝詔太官省之
魏文帝有西域葡萄之比世譏其謬論豈當時南北
斷隔所擬出於傳聞耶唐天寶中妃子尤愛嗜涪州
歲命驛致時之詞人多所稱詠張九齡賦之以託意
白居易刺忠州既形於詩又圖而序之雖髻鬋顏色
而甘滋之勝莫能著也洛陽取於嶺南長安來於巴
蜀雖曰鮮獻而傳置之速腐爛之餘色香味之存者

亡幾矣。是生荔枝中國未始見之也。九齡居易雖見新實驗。今之廣南州郡與瓊梓之間所出大率早熟。肌肉薄而味甘酸。其精好者僅比東閩之下等。是人者亦未始遇夫真荔枝者也。閩中惟四郡有之。福州最多。而興化軍最為奇特。泉漳時亦知名。列品雖高。而寒之無紀。將亦異之物。昔所未有。平蓋亦有之。而木始遇乎人也。予家莆陽。再臨泉福二郡。十年往還。道繇鄉國。每得其尤者。命工寫生。粹集既多。因而題目。以為倡始。夫以一木之實生於海瀕巖險之遠。而能名徹上京外。被夷狄。重於當世。是亦足貴者。其

於果品卓然第一。然性畏高寒。不堪移殖。而又道理遼絕。曾不得班於盧橘江橙之右。少戩光采。此所以為之嘆惜。而不可不述也。第二篇興化軍風俗園池。勝處維種荔枝。當其熟時。雖有他果。不復見省。尤重陳紫。富室大家。歲或不嘗。雖別品千計。不為滿意。陳氏欲採摘。必先閉戶。高墻入錢。度鐸錢與之。得者自以為幸。不敢較其直之多少也。而列陳紫之所長。以例眾品。其樹晚熟。其實廣上。而圓下大。可徑寸。有五。分香氣清遠。色澤鮮紫。殼薄而平。瓢厚而瑩。膜如桃花紅。核如丁香。母剝之。凝如水精。食之消如絳雪。其

鐸音度紙也
口聲度也

味之至不可得而狀也荔枝以甘為味雖百千樹莫有同者過甘與淡失味之中維陳紫之於色香味自狀其類此所以為天下第一也凡荔枝皮膜形色一有類陳紫則已為中品若夫厚皮大刺肌理黃色附核而赤食之有查食已而洪雖無酸味自亦下等矣

第三篇 福州種植最多延馳原野洪塘水西尤其盛處一家之有至於萬株城中越山當州署之北鬱為林蔽暑雨初霽晚日照曜絳囊翠葉鮮明蔽映數里之間焜如旱火非名畫之可得而精思之可述觀覽之勝無與為比初著花時商人計林斷之以立券若

嘉善縣志

後豐寡商人知之不計美惡悉為紅鹽水浮陸轉以入京師外至北戎西夏其東南舟行新羅日本流求大食之屬莫不愛好重利以疇之故商人販益廣而鄉人種益多一歲之出不知幾千萬億而鄉人得飲食者益鮮以其斷林鬻之也品目至眾唯江家綠為州之第一**第四篇**荔枝食之有益於人列僊傳稱有食其華實為荔枝仙人本草亦列其功葛洪云蠲渴補髓所以唐羌疏曰未必延年益壽蓋云雖有其傳豈果能哉亦諫止之詞也或以其性熱人有日啜之顯未嘗為疾即少覺熱以蜜漿解之其木堅理難老

今有三百歲者枝葉繁茂生結不息此亦其驗也第
五篇初種畏寒方五七年深冬覆以護霜霰福州之
西三舍曰水口地少如寒已不可殖大畧其花春生
簌簌然白色其實多少在風雨時與不時也有間歲
生者謂之歇枝有仍歲生者半生半歇也春花之際
傍生新葉其色紅白六七月時色已變綠此明年開
花者也今年實者明年歇枝也最忌麝香或遇之花
實盡落其熟未更採摘虫鳥皆不敢近或已取蝙蝠
蜂蟻爭來蠹食園家有名樹旁植四柱小樓夜棲其
上以警盜者又破竹五七尺搖之咎咎然以逐蝙蝠

之屬第六篇紅鹽之法民間以鹽梅酒浸佛桑花為
紅漿投荔漬之曝乾色紅而甘酸可三四年不蟲脩
貢與商人皆便之然絕無正味白曬者正爾烈日乾
之以按堅為止畜之甕中密封百日謂之出汗去汗
耐久不然踰歲壞矣福州舊貢紅鹽蜜煎二種慶曆
初太官問歲進之狀知州事沈邈以道遠不可致減
紅鹽之數而增白曬者兼令漳泉三郡亦均貢焉蜜
煎剥生荔枝策去其漿然後蜜煮之予前知福州用
曬及半乾者為煎色黃白而味美可愛其費荔枝減
常歲十之六七然脩貢者皆取於民後之主吏利其

多以責賂曝煎之法不行矣第七篇陳紫已下十二
品有等次陳紫因治居第平窰坎而樹之或云厥土
肥沃之致今傳其種子者皆擇善壤終莫能及是亦
賦生之異也江綠大較類陳紫而差大獨香薄而味
少淡故以次之其樹已賣葉氏而民間猶以為江家
綠云方家紅可徑二寸色味俱美言荔枝之大者皆
莫敢擬歲生一二百顆人罕得之方氏子名秦今為
大理寺丞游家紫出名十年種自陳紫實大過之小
陳紫其樹去陳紫數十步初一家并種之及其成也
差小又時有種核者因而得名其家別居二紫亦分

家荔枝作錄

屬東西陳焉宋公荔枝樹極高大實如陳紫而小甘
美無異或云陳紫種出宋氏世傳其樹已三百歲舊
屬王氏黃巢兵過欲斧薪之王氏媪抱樹號泣求與
樹偕死賊憐之不伐宋公名誠公者老人之稱年餘
八十子孫皆仕宦太平廣記王媪荔屬宋氏名宋香
既被巢寇下斧以後結實雖千萬
一若斧痕藍家紅泉州為第一藍氏兄弟圭為大常博
士丞為尚書都官員外郎周家紅獨立興化軍三十
年後生益奇戲名乃損然亦不失為上等何家紅出
漳州何氏世為牙校嘗有郡將全樹買之樹在舍後
將熟其子日領卒數十人穿其堂房乃至樹所其來

南蓬志 卷之十一 荔枝 廿六 薛興官感

荔枝譜中有
香共類多品

無時舉家伏截即伐去而不忍今猶存焉法石白出
泉州法石院色青白其大次於藍家紅綠核頗類江
線色丹而小荔枝皆紫核此以綠見異出福州圓丁
香丁香荔枝皆旁蒂大而下銳此種體圓與味皆勝
虎皮以下三十品無等次虎皮者紅色絕大繞腹有
青紋正類虎斑嘗於福州東山大乘寺見之不知其
出處牛心者以狀言之長二寸餘皮厚肉溢福州惟
有一株每歲貢乾荔枝皆調於民生吏常以牛心為
準民信直購之以輸予嘗黜而不用玳瑁紅荔枝上
有黑點疎密如玳瑁斑福州城東有之硫磺顏色正

黃而刺微紅亦小荔枝以色名之也朱柿色如柿紅
而扁大亦云朴柿出福州蒲桃荔枝穗生一朶至一
二百將熟多破裂凡荔枝每顆一梗長三五寸附於
枝此等附枝而生樂天所謂朶如蒲桃者正謂是也
其品殊下蚶殼者殼為深渠如瓦屋為竜牙者荔枝
之變怪者其殼紅可長三四寸彎曲如爪牙而無瓢
核全樹弗變非常有也興化軍轉運司聽事之西嘗
見之水荔枝漿多而淡食之蠲渴荔枝宜依山或平
陸有近水田者清泉流溉其味遂兩出興化軍蜜荔
枝純甘如蜜是謂過甘失味之中丁香荔枝核如小

紫囊荔枝譜
雙髻二字作
蕙團莫依珍

丁香樹病或有之亦謂之無核皆小實也大丁香出
福州天慶觀厚殼紫色瓢多而味微淡雙髻小荔枝
每朵數十皆並蒂雙頭因以目之真珠剖之純瓢圓
白如珠荔枝之小者止於此十八娘荔枝色深紅而
細長時人以少女比之俚傳閩王王氏有女第十八
好噉此品因而得名其家今在城東報國院旁猶有
此樹云將軍荔枝五代間有為此官者種之後人以
其官號其樹而失其姓名之傳出福州釵頭顆紅而
小可間婦人女子之側簪纓之側故特貴之粉紅者
荔枝多深紅而色淺者為異謂如傳朱粉之飾故曰

中元紅荔枝將絕纔熟以晚重於時予嘗於七月廿
四日得之火山本出廣南四月熟味甘酸而肉薄生
種如枇杷閩中近亦有之山在梧州右三十二品言
姓氏尤其著者也言州郡記所出也不言姓氏州郡
四郡或皆有也襄作是譜在嘉祐四年秋明年春手
書於泉山安靜堂 **福州志**荔枝性畏高寒郡西北
境皆不可種連江之南雖有植者其熟差晚過北嶺
始大盛有一品紅荔中極品有狀元紅顆極大味清
甘亦荔中第一有桂林皮粗厚大如雞子味甘有中
冠體圓核小皮光而薄味清而甘視桂林差小成熟

雞母荔枝譜
作雞引子

日金線下脫
金線二字今
據荔枝譜補之

時香聞數里鳳岡所產為最。有金鐘形如鐘，皮畧鹿厚，色如硃砂，味甘大，亦類桂林。俱以六月熟，有勝畫皮厚刺尖味甘，肉豐大如桂林。七月熟，出長樂縣。六都者為最，有雞母引子，果數十枚，大小錯出其大者核小小者無核。七月熟，樹在城門山宋侍郎鄭公堤墓前，有鳳池超實圓味甘，出尚幹卿故御史林公錢家，其次佳。曰馳蹄，長大而甘柔，有金櫻上銳下方，色深黃，栗玉似金櫻而圓刺尖，有金線金線界，其中有鑽玉皮，麤厚味甘濃，有紅綉鞋實小而尖形如角黍，核如丁香，味極甘美，有龍牙色紅長二寸許，上下俱

方有天柱，以樹極高大，名有滿林，香皮微黃味甘，香倍於眾品。有鷲卵皮，光無刺，色紅，有蜜丸味甘，肉厚俗呼肉丸，有白蜜皮粉紅甘，如蜜，有雞肝實扁味甘，色紅無核，已上俱以六月熟，品之最佳者。其中品曰饅頭，皮厚味甘大，如饅頭，曰磨盤大，如鷄子，近蒂處甚平，曰馬先白，其熟最早，味不甚甘，曰松栢，蕾皮厚而麤，味淡大如松子，曰將軍帽，實如松蕾，皮厚肉淡，曰醋甕，色微黃，味酸，更有異品曰綠珠，或各結綠俗呼為綠荔枝，實如山榛，無核，味最清，至熟時實與葉無辨，惟鳳岡有之，曰星毬，紅枝條生，葉葉比他種

南蓬志
卷之十一
荔枝
十九
薛夷官感

傾音奇長兒

差厚色紅而不絳帶根於臍銳者如爪扁者如橘圓者如雞子傾者如皂莢殊形詭狀核皆如丁香亦有無核者食之甘脆有韻奪其枝而植者竟莫能速焉出靈油里今永慶里亦有之又山荔枝數種曰勝江萍皮光味甘或呼為勝江陳淨江瓶俱此種曰鵲卵皮薄實圓斑如鵲卵味微酸七月熟此山枝中之佳品也曰牛膽顆極大一握僅三四枚出水西桐坑此山枝中之異品也曰山中冠實大而圓荔將盡始熟味微酸淡曰山金鐘實大微長曰中秋綠色綠味微酸熟最後此山枝之中品也

泉州志晉江多荔

枝五月熟者為火山肉薄味酸不佳六月熟者有早紅有桂林有金鐘有白蜜有狀元紅之類俱佳品也七月熟者俱山荔枝品類數十般多麤厚佳者良有風韻王十朋為泉守有荔枝詩八章一曰陳紫一曰江綠一曰皺玉一曰大將軍一曰玉堂紅一曰奪先紅一曰七夕紅一曰白蜜

興化志蔡君謨荔枝譜謂

名家不過十有二品前志謂譜中所論已不復有今惟有玉堂紅出於蔡宅狀元紅出於楓亭者特珍按狀元紅舊名延壽紅宋元豐間狀元徐鐸公所植也公與楓亭薛奕以文武雙魁遂結婚媾故授其種於

薛而楓亭之地宜荔因擅其名王堂紅在南廂下林
宋陳太卡手植居第之果也非出蔡宅莆田荔枝名
品皆出天成雖以其核種之終與其本不相類宋香
之後無宋香所存者孫枝爾陳紫之後無陳紫過墻
則為小陳紫矣筆談謂焦核荔子土人能為之取木
木去其大根火燻令焦復植於土以石壓之令勿生
旁枝其核自小里人謂不然此果形狀變態百出不
可以理求或似龍牙或類鳳爪釵頭紅之可簪綠珠
子之旁綴是豈人力所能加哉初方氏有樹結實數
千顆欲重其名以二百顆送蔡忠惠公給以當歲所

詩中有訛字
仍群芳譜正
之

產止此公為目之曰方家紅著之於譜印證其妄自
後華實雖極繁茂逮至成熟所存者未嘗越二百遂
成語識又惠安邑志果實之類與百穀相消長荔枝
楊梅大熟其年五穀多荒諺曰山中紅田裡空予謂
不然荔枝火種也花不耐雨雨多則花落荔枝大熟
必其年不雨耳宋劉屏山詩縱班盧橘材非偶不近
長安價愈高

龍眼 圖經曰龍眼木高二丈許似荔枝葉微小凌
冬不凋春末夏初生細白花七月而實成殼青黃色
文作鱗甲形圓如彈丸核若無患而不堅肉白有漿

柑古無此字
上林賦有黃
甘唐書已作
柑此為橘屬
之總名非也

甚甘美其實極繁荔枝纔過龍眼即熟故南人名為荔奴一名益智以其味甘歸脾又蜀本能除蠱毒去三蟲張岳惠安志大者名龍眼次名人眼小者名鬼眼俗不識別總謂龍眼陳懋仁泉南雜記龍眼甘香溢牙齒間嚼者多不知厭出長樂者大可寸許最佳名長樂員泉州近出英山亦其亞也宋劉屏山詩香割蜜脾知韻勝價輕魚目為生多

李 有胭脂李福州蒸晒最嘉李子之味酸甘

柑 圖經木高一二丈葉與枳無辨刺出莖間夏初生白花六月七月而成實至冬黃熟可噉舊說小者

引詩有異從
出所正之

為橘為橙大者為柚孔安國注尚書厥包橘柚小曰橘大曰柚皆為柑也謝眺酬王晉安詩南中榮橘柚寧知鴻雁飛柑通志有酥柑有佛酥柑一名佛頭酥有脂柑出連江名連江柑有單尾柑出福清縣以地名橘通志有鏡橘一名鏡柑有連江橘以地名有酒橘有四時橘有剪橘有猴橘一名橘花有洞庭橘有匾橘一名塌橘有單尾橘出福清縣亦以地名泉志金橘有二種形圓者曰金棗皮香肉酸又有金豆俗呼羊矢橘生山林中蜜煎良佳莆弘治志莆中有紅柑青柑唐時本地有沙橘嘗入貢近時天下之柑以

浙之衢州閩之漳州為最漳人食柑盡一托盤如泉人食荔枝矣

酸棗 出福州建寧福寧以為糕

香櫟 氣芬郁襲人衣又有形似人手者名佛手香

檳榔 圖經曰檳榔似木槌子樹而高直可愛秋

晚實成實如生訶子無稜瓣皆反垂向下先生者白

下後生者漸高木既高峻采難緣梯但刻其根下方

寸許內鹽於中一夕皆落木亦無損藥性賦云泉州

檳榔能消酒本草一名諫果謂其始澁後甘猶逆耳

忠言然惠安志小者名丁香檳榔大者名柴檳榔小

者尤香出福州柑蕉洲

金斗 葉似檳榔而長實紅色味甘酸

椎 科子也曾師建記作錐謂之末銳於錐此擬其

形似錐末言宋志以錐作椎蓋從木也按椎古槌字

戰國策史記九槌皆作椎獨新編百音篇海云椎直

追切樹名以山桂不言其有子也今按此果是科樹

所生江東人呼科樹為株樹因呼其子為株子閩人

呼為椎者聲相近矣興化郡北一里許有地曰椎林

荒歲特蕃貧民賴之

字書曰推有二種一似山桂一似栗或云似山桂者是柯樹似栗者是鈎栗科字泉州府志木艸綱目並作柯字

羊桃即五款
子別有羊桃
俗雅所謂長
楚銚茂與此
殊也○碌磳
田畝也音錄
讀

羊桃 一名揚桃形如碌磳味甘酸實出柯幹上非
若他菓綴枝而生產福興福寧

餘甘 海物異名記菴摩勒果瑩如珠食之餘味始
甘能蠲蠱毒山谷以其先苦後甘名之曰敢諫子出
州黃產蒲中定庄者佳

黃彈子 祥符圖經云黃檀子海物異名記云黃檀
子實如彈丸葉如山桂而香又云本出越王祭檀側
曰王檀子揚都賦果則龍自荔枝王檀丹橘

菩提果 花如冠蕤葉長而尖實圓而長實內虛核
當虛處其味甘香莆人謂之糖捐或云西域有此果

故曰菩提福州最多

倒黏子 開花淡紅結子如乳頭倒黏于樹色紫味

甘一名丹黏子一名逃軍糧泉人謂之冬年以其可
以度年故廣人取以釀酒謂之稔酒

右果屬

吉貝 木綿也閩人謂之吉貝本名古貝一日古終

曰吉貝者古貝之訛也南史謂出林邑干陀利等國

傳至閩中其木高七八尺種五六年即枯枯即芟之
至春其根復生嫩葉其實有覆蓋其殼如擯榔分為
四瓣或三瓣中有茸絮如鷲毛茸中有核遇烈日絮

南史說曰古
貝又作吉貝
或曰林語也

乃開采而聚之，或彈以竹弓，或絞以輪車，是為木綿花矣。宋謝枋得詩：嘉樹種木綿，天何厚八閩。厥土不宣，桑蠶事殊艱，辛木綿收千株，八口不憂貧。

茶 宋時建州之茶名，天下以建安北苑為第一。而今武夷貴矣。北苑茶語：具建寧鳳凰山下，咸平初丁謂為閩漕，撰建安茶錄。劉昇慶曆初在吳興，撰北苑拾遺以補之。祥符初周絳知建州，以陸羽茶經不載建安，作補茶經。皇祐中蔡襄有試茶錄進御。歐陽公跋其後，朱子安拾丁蔡之遺，作東溪試茶錄。東溪建安地名也。呂惠卿有建安茶記。建陽熊蕃叔茂撰宣

和北苑貢茶錄。蕃子克義茂益寫其形製而傳之。建安黃儒撰品茶要錄。元祐中蘇東坡跋其後，蔡襄進錄序臣前，因奏事伏蒙陛下論臣先任福建轉運使，日所進上品龍茶最為精好。臣退念草木之微，首辱陛下知鑒，若處之得地，則能盡其材。者陸羽茶經不第建安之品，丁謂茶圖獨論採造之本。至於烹試，曾未有聞。臣輒條數事，簡而易明，勒成二篇，名曰茶錄。伏惟清閑之宴，或賜觀菜，臣不勝皇恐榮幸之至。上篇論茶色，茶色貴白而餅茶多以珍膏油去其面，故有青黃紫黑之異。善別茶者，正如相工之跡人。

永不當用茶
囊茶錄作正
當不用
茶之所產謂
之焙有正焙
外焙官焙私
焙等稱

氣色也隱然察之於內以肉理潤者為上既已未之
黃白者受水昏重青白者受水鮮明故建安人關試
以青白勝黃白香茶有真香而入貢者微以龍
腦和膏欲助其香建安民間試茶皆不入香恐奪其
真若烹點之際又雜珍果香草其奪益甚永不當用
味茶味主於甘滑惟北苑鳳凰山連屬諸焙所
產者味佳隔溪諸山雖及時加意製作色味皆重莫
能及也又有水泉不甘能損茶味前世之論水品者
以此藏茶茶宜萑葉而畏香藥喜溫燥而忌濕
冷故收藏之家以萑葉封裹入焙中兩三日一次用

火常如人體溫溫則禦濕潤若火多則茶焦不可食
炙茶茶或經年則香色味皆陳於淨器中以沸
湯漬之刮去膏油一兩重乃止以鈴箱之微火炙乾
然後碎碾若當年新茶則不用此說碾茶碾茶
先以淨紙密裹槌碎然後熟碾其大要旋碾則色白
或經宿則色已昏矣羅茶羅細則茶浮廉則水
浮候湯候湯最難未熟則沫浮過熟則茶沈前
世謂之蟹眼湯者過熟湯也况餅中煮之不可辨故
曰候湯最難燂盞凡欲點茶先須燂盞令熱冷
則茶不浮點茶茶少湯多則雲脚散湯少茶多

試茶子錄作

茶經曰一日承又有格一日衣以油箱為之以置承上○神隱作砧梓

則粥面聚

建人謂之雲脚粥面

抄茶一錢七先注湯調極均又

添注入環迴擊沸湯上蓋可四分則止眠其面色鮮

白著蓋無水痕為絕佳建安園茶以水痕先沒者為

負耐久者為勝故古較勝負之說曰相去一水兩水

下篇論茶器 茶焙 茶焙編竹為之裹以弱葉

蓋其上以收火也隔其中以有容也納火其下去茶

尺許常溫溫然所以養茶色香味也 茶籠 茶不

入焙者宜密封裹以弱籠盛之置高處不近濕氣

砧推 砧推蓋以砧茶砧以木為之推或金或鐵取

於便用 茶鈴 茶鈴屈金鐵為之用以炙茶 茶

茶碾茶研也

曜仙神隱云

茶碾用鐵為

之長不過尺

五

壞茶錄作坏

字書曰陶未

燒曰坏坏同

茶錄要下有

重字

碾 茶碾以銀或鐵為之黃金性柔銅及鑰石皆能

生銼不入用 茶羅 茶羅以絕細為佳羅底用蜀

東川鶯溪畫絹之密者投湯中揉洗以幕之 茶蓋

茶色白宜黑蓋建安所造者紺黑紋如皂皂其壞

微厚燭之久熱難冷最為要用出他處者或薄或色

紫皆不及也其青白蓋闕誠家自不用 茶匙 茶

匙要用擊拂有力黃金為上人間以銀鐵為之竹者

輕建茶不取 湯瓶 瓶要小者易候湯又點茶注

湯有準黃金為上人間以銀鐵或瓷石為之 歐陽

公跋茶為物之至情而小團又其精者錄序所謂上

南華志

卷之七

七

萃夷館藏

品龍茶者是也。蓋自君謨始造而歲貢焉。仁宗尤所
珍惜。雖輔相之臣未嘗輒賜。惟南郊太禮致齋之夕
中書樞密院各四人共賜一餅。宮人前金為龍鳳花
草貼其上。兩府八家分割以飯。不敢碾試。宰相家藏
以為寶。時有佳客出而傳玩。爾嘉祐七年親享明堂
齋。夕始人賜一餅。余亦忝與。至今藏之。余自以諫官
供奉。仗內至登二府二十餘年。纔一獲賜。而丹成龍
駕。紙鼎莫及。每一捧。既清血交零而已。因君謨著錄
輒附于後。庶知小團自君謨始而可貴如此。而蘇東
坡又有葉嘉傳若韓文公傳毛穎者。蓋蔡忠惠所錄

建安之茶而蘇文忠傳則武夷茶也。按宋時貢茶製
造品式多端。而皇朝武彘不過貢茶片耳。嘉靖中
又變價造解。列聖不貴遠物之意。不跨千古以上
哉。又有茶油之茶。建劍汀邵多有之。而連城為第一。
松古字作結。亦音杉。爾雅曰披杉。註云似松。可以
為船及棺材。作柱埋之。不腐。建延汀邵福寧為多是
插而生者。江淹頌桐梓。舊麗松枯稱奇。為如茲品。獨
秀青崖。群木斂望。雜草不窺長。入烟氣永。驂鸞螭
櫺亦曰杜松。葉如側柏。
攤木可為器。最奈久遠。

埋柱云
名羅

正字通云椽
俗字旧注音
橋刺木非

椽 亦可為棟宇然久則蠹腐用不及於其白皮着
人肌膚最刺撓山中人或煮其汁合諸毒藥以射虎
水綿 類杉脩幹而細葉郡城內外凡濱水處多植
之

檉杉 畧似水綿而木理輕鬆心赤色江淹頌木貴
冬榮檉實寒色停黛峰頂插翠石側碧葉蒼藹頗柯
翕絕方陋筠櫛遠笑荆棘

刺桐 說見泉州建寧志五燈會元曰福州荔枝泉
州刺桐輿地記勝泉城初築時環郡皆植刺桐踰桐
城初夏開花極鮮紅如葉先萌芽花後發則其年五

第一作
花如後發始
年豐

穀豐登否則反是故謂之瑞桐宋丁謂詩聞得鄉人
說刺桐葉先花發十年豐我今到此憂民切只愛青
青不愛紅

油桐又名荏

桐 桐之為木諸家說不一爾雅云梧桐興化志一
曰白桐一曰岡桐竊意桐有四種花葉不相見花不
結子材中琴瑟為貢嶧陽孤桐也興化志白桐是一
種不花不子與油桐相類興化志岡桐是一種子可
食與中琴瑟者即爾雅所謂梧桐也一種可壓油則
謂之油桐今泉南所種多油桐
諸 即穀樹也江東所產者結實閩所產者不結實

南方草木狀云榕樹拳曲而稜理深足不可以為器材

其皮可搗為紙亦可治為衣為食

榕 榕陰極廣以其能容故名曰榕異物異名記云

或作楠言材不中梓人也有一種一種矮而盤桓其

鬚着地復生為樹一名赤榕上聳高大此樹生至福

州而止故福州號為榕城諺云榕不過劍

櫬 考玉篇無此字詢其鄉人讀如觀音其樹頗高

大葉略似桂葉其子如苦楮圓而稍長鄉人去其殼

而磨之料理作凍亦可食也出邵武

菩提樹 菩提樹即佛經所謂菩提其子用為念珠

泉州舊志城中承天寺一株大十餘圍高數十大葉

畧如梨葉而大秋深葉茂郡人剪取用灰水浸去浮皮其脂輕透如紗染紺色為燈極鮮明可賞曰梧桐燈

相思 似廣花梨木昔宋大夫韓憑妻甚美宋康王

奪之憑自殺妻乃陰腐其衣王與登臺自投臺下左

右攬其衣衣不勝手遺書于帶曰願以屍與韓合葬

王怒埋之二塚相對經宿塚上各生一文梓根交枝

連有鳥如鴛鴦棲于樹朝夕悲鳴人因呼梓樹為相

思木江淹頌竦樹碧澗臥根石林日月斷色霧雨恒

陰綠秀八炤丹實四臨公子不至山客徒尋

檀 葉似槐

檄 生山中葉與子似菜黃爾雅云檄醜菜桃李

醜核言桃李屬皆内核檄檄屬皆外菜也

欖 字亦作攬其木有刺子朶生如菜黃辛辣如椒

檄

棠梨 泉人名如冬梨

棟 東臯雜錄江南自春至夏有二十四風信梅花

最先棟花最後樹有雌雄雄者根赤無子雌者根白

有子

棟 結實似梨小而酸洪大者三圍木理細膩堅緻

時珍曰藏器不知食其莢即攬子重出攬子一條正自誤矣

字書曰棟棟木名亦雅云

棟即米也木叫名松揚

視楠過之

木槩 葉如檄攬而小實可浣垢今釋子多取其子

為手珠本草謂之無患子俗呼墨圓子

水楊 葉圓潤而赤枝條短硬多生水岸

金荆 閩中記不堅有文彩可為床榻器用江淹頌

江南之山連障連天既抱紫霞亦漱絳烟金荆嘉樹

涵露宅仙誇節詎及幽意誰傳

黃連奈 木高二三丈葉似槐而尖長春初芽始生

可治以代茗飲亦為茹味香美俗又呼涼茶樹

加條 閩中記其葉可用磨犀角象牙惠安志曰吉

連障當作巨嶂嘉當作佳真當作雲轉當作修

南唐志 卷之十一
釣藤即道家降真香生深山中以枯老紫色為貴或
即一樹也又名美龍藤

撲 葉如加條差小皮鱗皺粗厚因以得名
白牙 木理極堅白可為器玩

石楠 葉如枇杷有小刺凌冬不凋人多植庭宇間
陰翳可愛不透日氣其木堅勁可為斧柯

榿 葉細而枝柔夏花粉紅如栗一名西河柳
羅漢松 葉長而狹色蒼秀可愛凌冬不凋

鐵樹 葉紅而幹如鍊
右木屬

日透字下脫
日氣二字今
補之

竹 李時珍曰竹惟江河之南有之故曰九河鮮有

五嶺實繁有猫竹方言謂之麻可以撮可以器削之
可以刀其葉夏月可以裹角黍江南竹鹿大堅直笋

冬生慈竹古名子母竹斑竹永福縣鶴洋多產之紫
竹小而色純紫苦竹笋苦而味佳淡竹其葉可以藥

石竹可以器斲竹可以弓弩苦油竹可以鎗箭竹可
以箭赤竹可以刺舡方竹可以杖桃枝竹可以席豁

竹可以笛長枝竹可以絲秋竹可以篋合朶竹可以
樊箬葉竹其葉可以篷人面竹如面釣竹如釣金絲

竹如絲蘆竹如蘆鳳尾竹如鳳勒竹枝上有刺中心
南唐志 卷之十一 辛夷館藏

離字疑雜字

堅塞枝幹相交蟲竹有蟲為叢生如蘆每節生蟲如
新蟬之未翼外無竅隙隨竹而長竹將枯乃穴傍出
福興泉漳之間以竹為器延建汀邵之間以竹為紙
竹之笋福興泉漳之間烹而饌之延建汀邵之間蒸
而菹之鹽而糟之余嘗游永福縣竹匝地漫山離有
間斷至隔絕數里者問之汀邵間皆然一太奇也又
福安縣有雷驚竹

稽含草木狀
一作干

甘蔗 サウダク 呂惠卿言凡草皆正生嫡出惟蔗側種根上
蔗出故字從蔗也稽含作竿蔗謂其竿如竹竿離騷
漢書皆作柘字通用也許慎說文作蔗蓋音之轉也

本草圖經有兩種赤色名崑崙蔗白色名荻蔗出福
州以上皮節紅而淡出泉漳者皮節綠而甘其幹小
而長者名管蔗又名蓬蔗居民研汁煮糖泛海鬻吳
越間糖有二種曰黑糖曰白糖有雙清有潔白鍊之
有糖霜亦曰冰糖有蜜片亦曰牛皮糖其法先取蔗
汁煮之攪以白灰成黑糖矣仍置之大甕漏中候出
水盡時覆以細滑黃土凡三遍其色改白有三等上
白名清糖中白名官糖下名奮尾其所出之水名糖
水矣官糖取之再行烹鍊譬雞卵攪之今渣滓上浮
復置甕漏中覆土如前其色如白名潔白糖也其所

出之水各潔水矣又取烹鍊成糖霜蜜片矣竈漏器如帽盛底穿一眼出水其處也初人莫知有覆土法元時南安有黃長者為宅煮糖宅垣忽壞壓於漏端色白異常遂獲厚貲後遂効之他糖諸郡皆有潔冰蜜片獨出於泉蜜片元人名沙裡別胡語也

右苞屬

人參 本草圖經曰人參生上黨山谷及遼東今江東諸州及泰山皆有又有自閩中來者名新羅人參又有沙參出海濱泉崇武所大岫山下有之土檳榔 出邵武丹臺山

枸杞 本草泉州者尤佳

牛膝 本草圖經曰牛膝生河內山谷及臨朐今江淮間粵閩中亦有之

藍實 圖經曰藍實有數種有木藍出嶺南不入藥有松藍可以為殿者亦名馬藍爾雅所謂箴馬藍是也亦有莖藍但可染碧不堪作澱醫方所用者也又福州有一種馬藍四時俱有葉類苦益菜土人連根採之焙搗下筵酒服錢七治婦人敗血甚佳

石菖蒲 福州志石菖蒲生石磧上葉有脊如劍者為真其無脊者名溪蓀生下濕地大根者名昌陽入

昌陽即菖蒲

南臺志

卷之九

四

薛英官藏

所引江頌
書曰有少訛
今就正

藥以生石一一寸九節者良今黃蘗山龍湫崖下曝
布飛濺處生者絕佳然非神全不為濺悸不能採也
江淹草木頌曰藥實靈品爰乃輔性除疴衛福蠲邪
養正縹色外妍金光內映草經所珍山圖是詠
使君子 李時珍本草經曰稽含南方草木狀謂之
留求子原出海南交趾今閩之邵武蜀之眉州皆種
之其藤如葛繞樹而上葉青如五加葉五月開花一
簇一二十葩紅色輕盈如海棠其實長寸許五瓣合
成有稜生時半黃老則紫黑其中仁長如榧仁色味
如栗

引江頌
書曰有訛
今就正

霍香 南州異物志云霍香出海邊國形如都梁可
著衣服中江淹草木頌曰桂以過烈麝以太芬摧阻
天壽夭折人文誰及霍香微馥微薰攝靈百仗養氣
青露
越王餘筭 異苑曰晉安有越王餘筭葉白者似骨
黑者似角云是越王行海作筭有餘棄於水中而生
海藥云謹按異苑記昔晉安越王因渡南海將黑角
白骨筭筭所餘棄水中故生此遂名筭味鹹温主治
水腫浮氣結聚宿滯不消腹中虛鳴
土紅山 圖經曰土紅山生福州及南恩州山野中

南越志
卷之十一
藥部
土紅山

福州生者作細藤似芙蓉葉其葉上青下白根如葛頭薄切用米泔浸一宿更用清水浸一宿搗服之可治勞瘵

石葦 本草圖經云一名石皮叢生石上葉如柳背有毛而斑點如皮故名福州自有一種石皮三月開花採葉煎湯浴去疰風亦有生古瓦上者名瓦葦剪刀草 圖經曰剪刀草五六月採葉正二月採根一名慈菘一名白地栗一名河鳧茨爛搗其莖葉如泥塗傳諸惡瘡腫及小兒遊瘤丹毒以冷水調此草膏化如糊以鷄羽掃上腫便消退其效殊佳福州

時珍曰是即茅香

草或芝字

有種小異三月開花四時採根葉亦治癰腫

香麻 圖經曰香麻生福州四季常有苗葉而無花不拘時月採之土人以前煎作浴湯去風甚佳

鷄項草 圖經曰鷄項草生福州如紅花葉上有刺青色亦名十針草根似小蘿蔔枝條直上三四月苗上生紫草八月葉凋十月採根洗焙乾碾羅為散服治下血

紫金牛 圖經曰紫金牛生福州味辛葉如茶上綠下紫實員如丹珠根微紫色八月採去心曝乾皮似巴戟主時疾隔氣去風痰用之

石垂 圖經曰石垂生福州山中三月有花四時抹子焙乾生搗蜜丸用治蠱毒甚便

瓊田草 圖經曰瓊田草生福州春生苗葉無花三月採根葉焙乾土人用治風生搗羅蜜丸服之

建水草 圖經曰生福州枝葉似桑四時常有土人取其葉焙乾研末煖酒服治走疰風

龍牙草 出福州治痢最神本草謂即馬鞭草非也 小青 圖經曰福州出三月生花當月採葉生搗碎治瘡瘡甚效

獨脚仙 圖經曰生福州山林傍陰泉處多有之春

生苗至秋冬葉落其葉圓上青下紫脚長三四寸夏採根葉連梗焙乾為末治婦人血塊

紫金藤 圖經曰生福州山中春初單生葉青色至冬凋落藤似枯條採其皮晒乾為末治丈夫腎氣

南藤 生依南樹故號南藤莖如馬鞭有節紫褐色一名丁公藤生南山山谷南史解叔謙鴈門人母有疾夜稽顙祈告庭中聞空中云好取丁公藤訪醫及本草皆無有至宣都山中見一翁伐木云是此藤拜泣求之并得漬酒法受畢失翁所在母疾遂愈圖經曰南藤即丁公藤也生南山山谷今出泉州武榮州

南藤志 卷之十一 藤類

莨菪音培又音
老卿談音梳

赤孫施 亦名酸漿亦名鳩酸雀兒酸生福州葉如浮萍草治婦人血結泉人謂鹹酸草

芙蓉 出晉江縣俗名芙蓉蔓生葉如薯而差大味辛香土人取其葉合檳榔并蚶殼灰食之舊志泉州檳榔為禮是也宋戴復古寓泉南詩寄跡小園中自咲客異鄉東家送檳榔西家送檳榔咀嚼唇齒赤尔能醉我腸南人敬愛客以此當茶湯慙慙謝其来此意不可忘

石帆 生海底高尺餘根如漆色至稍上漸軟作交羅紋梗大如筋人以飾作珊瑚裝左思吳都賦草則

石帆水松劉涓子注云石帆生海嶼石上草類也葉高尺許其花離樓相貫連若死則浮水中人於海邊得之稀有見其生者

右藥屬

天竺桂 李時珍曰天竺桂生南海山谷功用似桂皮薄不甚辛烈即今閩粵浙中山桂也台州天竺最多故名繁花大樹實如蓮子天竺僧稱為月桂泉州舊志巖桂一名木犀一名七里香色有黃有白香氣酷烈又有逐月開者曰月桂冬春開花長穗銳尾小白而香又名鳳尾置之書皮能辟蠹以薰茶味甚佳

閩部疏曰四
李國花結實
者是長桂也
江南桂八九
月盛開與子
此木擇也

建寧人取其花糟之以點茶亦佳

紅花 閩中記葉如荷蒿花如刺結秋深種春末乘

露採之可以染絳

山茶 花深紅色冬盛開福泉莆漳歲底取為軍持

供佛東坡詩云葉厚有稜犀甲健花深少態鶴頭丹

醪醪 蔓生承之以架花白而香春晚極盛又有檀

心紫色者尤香又有莖葉似醪醪而花差小者曰木

香

玫瑰 亦名徘徊有白紫二色翁承贊詩三株紅芍

藥一架紫玫瑰

軍持梵語瓶也

密樞 花紅千葉六一居士牡丹記曰如密樞緋桃
皆以名稱之是密樞為花自宋有之

金沙 亦玫瑰之流而香不及山谷詩云紫錦綵色

似金沙

佛桑 木扶桑東海日出處有扶桑樹此花光燄照

日其葉似桑因以比之後人訛為佛桑也一名照殿

紅乃朱槿別種花有紅白黃三色紅者尤貴又有花

開單瓣者亦深紅可愛

俱那衛 一作俱那異僧舍多植之樹高七八尺其

枝脆弱葉狹而長花紅根似王簪花而小曾師建闍

群芳譜月季
花一名長春

中記南方花有北地所無者闍提茉莉俱那異皆出
西域盛傳閩中北地多寒莫能植也

長春 枝幹有刺花紅四時常開

勝春 亦名鬪雪紅又名月季花如玫瑰香色次之

四時常芳

水麗春 藤生花如勝春明媚有香

杜鵑 一名躑躅一名山石榴一名映山紅有深淺

紅及紫者白居易詩九江三月杜鵑來一聲啼得一

花開蓋花開正屬杜鵑之候

山丹 花一蒂百餘蕊狀如綉毬深紅色一花四英

東坡此詠是
百合山丹也
引用於此誤

東坡所謂錯落瑪瑙盤是也亦有粉紅者四月開花
至八月尚爛熳又有四時常開者

茉莉 原出波斯國移植南海稽含草木狀作末利

洛陽名園記作抹厲佛經作抹利王十朋集作沒利

洪邁集作末麗泉州舊志作木麗本胡語隨人意會

而已揚慎丹鉛錄晉書都人簪素花即今末利花也

是花皆夜開有單葉者有重瓣者又有一種曰蕃茉莉

葉如茉莉而華如素馨合二者為一其香差薄歐

冶遺事果有荔枝花有末麗天下未有

闍提 南海種商舶傳入閩中花皆白而香勝如素

素一作奈

馨蓋巖桂之流品仙書曰闍提花春即此亦名麝茶
素馨 李時珍曰自西域移來謂之耶悉名花即西
陽雜俎所載野悉蜜花也枝幹袅娜葉似末利而小
其花細瘦四瓣有黃白二色采花壓油澤頭甚香滑
也宋傅伯成詩昔日雲鬟鎖翠屏只今烟塚伴荒城
香銷韻斷無人問空有幽花獨擅名詩註云素馨南
漢宮女名

瑞香 枝幹婆娑柔條厚葉冬春之交開花成簇長
三四分如丁香狀有黃白紫三色其種有枇杷葉者
有楊梅葉者有柯葉者有毬子者有孿枝者花紫香

此句上七字
下六字是西
江月詞

烈蘇東坡詞曰領巾標下瑞香風驚起謫仙春夢

山樊 木高數尺花春開極香莆人呼為瑒花瑒玉

名取其白也山谷更其名曰山樊蓋土人取其葉以

染不假礬而成色故以名耳

滿堂紅 一曰花柳一曰朱草花穗生淺黃色香聞

百步開即為瑞

半羊紅 曾師建閩中記謂之渠那異其種來自西

域木高丈餘葉長而狹自春徂夏相續開花又名來

竹桃謂其花似桃葉似竹也

度年紅 幹高花久自冬末涉春不少變

南華志

卷之七

七

薛瑄館藏

越橘 樹如黃楊，花如瑞香，而白實如朱櫻。

真珠 花有單葉者，有千葉者，許將詩：蕪圓英淡粉，粧肯隨桃李。媚春陽，金刀不到春風外。草密林深，只自香。

鳳尾 有二種，大者高丈餘，花穗生黃心，而白英長，竟尺若鳳尾。然一種高數尺，花疎而香勝。一名鳳柳，一名七里香，置書帙中，可辟蠹。

御帶 枝長，花密如帶。

半丈紅 花如御帶，而差大。一名棠棣。

鷹爪 藤生，花淡黃色，末銳似鷹爪。夏開，香如爛瓜。

氣

蘭 有樹蘭，泉郡志曰：叢高成樹，其花碎點，清香有

賽蘭，一名翠蘭，楊用脩曰：賽蘭香小如金粟，特馥烈

戴之髮髻，香聞十步。佛經伊蘭，即此花也。西方以之

供佛，王敬美閩部疏曰：賽蘭蔓生樹蘭，木生其香皆

與蘭埒。有紫蘭，詩所謂士女秉簡者也。埤雅曰：紫蘭

至秋而紅，有拜節蘭，色微紫，以歲首開花，有吊蘭，花

葉皆蘭，拔裹而懸之，不土自榮。泉郡志曰：是鳥啣蘭

花，於樹中寄生者。又建中有仙霞蘭，潘氏西山於仙

霞嶺得之，漳中有貴妃蘭，紅色，而小有鶴頂蘭，似蘭

謝在杭云伊蘭他無所見西見博書楊用脩選以粵中賽蘭當之恐亦未有據也

而大

紫羅傘

木州圖經名鳶尾葉似射于花色紫碧不

抽高莖俗呼紫羅傘其根即鳶頭亦入藥

滴滴金

葉露滴地而生秋開花黃如金色陶弼詩

云九秋珠露滴成芽

金錢

花深紅色圓薄如錢

剪刀金紅

花圓如香葉分數岐如刀剪之狀

眼粟

花有五色實如罌子如細粟亦名御米

御仙

一曰麗春花有小罌如小粟粟

聚八仙

狀類瓊花八蝶簇一心又有蝴蝶兩兩相

如下當有脫字

對者又有小蝶簇聚如碧玉者出澗谷間皆曰玉蝴蝶
蝶又有玉翼蟬碧蟬

寶相

藤生花類醪醪秀整過之

玉屑

厥藤生花狀如碎玉

玉籠鬆

藤生花微紅而圓又一種花顛葉尖名醉

楊妃

袞繡毬

藤生花一簇數十葉其圓如毬初開微帶

粉紅色開盡則白

錦竹

一名石竹叢生高尺許花如纈錦李大白有

石竹繡羅衣之句俗呼天南竹

陳眉公曰十
辨者名石竹
單葉者名洛
陽

陳眉公致富
奇書說其形
狀詳矣
類字下當有
脫字

旧脱無義草
三字今據本
州補之

剪金羅

花淡紅色儂如剪刻

黃雀兒

一名迎春晏殊詩淺艷伴鶯羽織條結兔

絲

金燈

莖直上未分數枝枝一花光艷如燈閩中呼

為天蒜又呼為無義草花葉不相見

指甲花小如蜜色可染指甲過于鳳仙一名七里

香此花至微小乃漢帝扶荔宮已植之矣

右花屬

苧可以績多產大田縣

紫草兩雅藜苳可以染紫一名苳苳丹鉛錄云苳

尔雅黃赤莖
今莖米之赤
莖者○尔雅
望葉車可以
為索長丈余
○按迨字下
當有海生二
字

尔雅曰苳馬
帚疑与獨掃
別物

小草也今但知為苛刻之苛藜紫艸也今但知為藜
然之藜

蛇麻葉如青麻藤蔓生籬落間土人採為麵用

鼠麵生平岡熟地葉有白毛黃花可雜米粉作糗

食之

黃生有三稜爾雅謂之望江生者為淡黃近者為

鹹黃土人採以扞屨織席亦可為纜

燈心叢生澤地莖圓細而直長亦可為席

獨掃爾雅曰馬帚注曰可為帚篲

芒似茅可為繩索履屨亦可為帚邵武志作芒

時珍曰雞腸
藥縷是別物
蘇恭為一物
誤矣

石龍芻 俗名龍鬚草可以織席本艸綱目曰割草
包束曰芻此草生水石之處可以割束養馬故謂之
龍芻述異記周穆王東海島中養八駿處有草名龍
芻是矣

雞腸 一名縷葉似苜蓿而小其莖作蔓斷之有
綠縷細而中虛以其似雞腸因名

仙人掌 多貼石壁上如人掌能治腸痔瀉血

虎杖 爾雅云似葑草而大可染赤煎以為飲色如
琥珀

吉祥 葉如萱而小四時一色生泉石中山村人以

柳柳 祀先雖在蔭宇葱翠不凋家有吉祥事定自開花

故名吉祥邵武天池山有之佛書天授菩薩吉祥草

菩薩到貝多樹下數草東向而坐所從來遠矣

紫背 解一切蛇毒

長生草 枝莖無根而生

半邊蓮草 最小苗高一二寸葉潤三分許長不及

三分五六月間開細白花花偏一邊無有圓者邵武

人擣爛調水以愈痢

候潮草 草間有莢如榆莢潮至則開退則合

仙草 生山谷中搗爛絞汁和麪粉煮之成凍

